

# Ɔwulú Nyɔɔsɔ́á Paulo

## Lówanlín Sísí

# Tesalonikafɔ

**1** <sup>1</sup>Mí Paulo pú Silwano mua Timoteo dé ɔwulú ánfɔ wanlín sísí ɔpasua ání ibu Tesalonika wúlutɔ, mligyí anɩ Sí Bulu mua anɩ Wíe Yesu Kristo klé.

<sup>2</sup>Anɩ Sí Bulu mua anɩ Wíe Yesu Kristo bugyíi mli buale, abuha mli iwilwii.

### Ipánda

<sup>3</sup>Apíó, ilehián ání abéda Bulu ipán mli nwunsu brégyíbré. Tsúfé mliɔdédáan hógyitɔ tsía. Ɔdweá mliɔbu ha aba é demoní tsía. <sup>4</sup>Mú su anɩɔpó mli tsú iwɩ Bulu ɔpasua kugyíku ansítɔ; mli nsiwa pú hógyiá ibu mliɔ, budun mliɔsu, isóki dé mli tɔ, mliɩlatomi su.

<sup>5</sup>Íni déle súná ání Bulu asúngyí da ɔkpa. Tsúfé obótsu mli ání mliɩlafun ha mu iwíegyí ámúú mliɔdé ipian wúun mú su ámúɔtɔ yɔ. <sup>6</sup>Ɔnɔkwaliɔu Bulu gyí. Ɔbéka ahá ámúú buɔde mli iwɩɔsuntɔ wa ámu akɔ. <sup>7</sup>Ɔbéha iwɩ bólwií anɩa mli ání mliɔdé iwɩɔsin wúun, eke ámúú anɩ Wíe Yesu ɔbékplí tsú ɔsúsú bele iwɩ ɔwan mua mu abɔɔu atúmipɔ amu. <sup>8</sup>Ogya plenplentɔ ɔbéba bebití ahá ámúú bumeyín Bulu<sup>a</sup> ámu isu. Tsúfé butamapú anɩ Wíe Yesu iwɩ \*asun wankláán ámu bwé tɔtɔ. <sup>9</sup>Amú isubití gyí, amúá anɩ Wíenyɔ nsiné bówa ífɔ, mu túmi mɔɔwankí wúlí amúú, obéyintá amú bré féétɔ. <sup>10</sup>Isubití ánfɔ íbéba eke ámúú ɔbéba, Bulu ɔbówa mu numnyam aha wankíhé ansítɔ. Ifú békitá ahógyipɔ. Mli é

---

<sup>a</sup> 1:8 Bumeyín Bulu, tsúfé bumebu mu.

mlétsiá amúť, tsúfé mlíwɔ mu iwɪ adánsɛ ámúbú anlégýí suná mli ámusu gyi.

<sup>11</sup>Mú su anutɔbɔ mpáí há mli aniaa, Bulu ɔhá amlifun nkpa ámúbú ɔletɪ mli ɔbée, mlíbétsiá ámutɔ. Mu túmi iháa amlitali bwe yilé ání mlídékléá mlɔbwe, pumɔ mli hógýi agyómá ɔnɔ. <sup>12</sup>Ní mletálí bwé íni á, mli su ahá bɔpu numnyam há anɪ Wíe Yesu, mu é ɔbɔwa mli numnyam; fé alí ámúbú anɪ Sí Bulu mua anɪ Wíe Yesu Kristo awitɔle gyí ámu.

### Yesu Mua Mblasu Mágyípu Amu

**2** <sup>1-2</sup>Mí apíó, nobwíí ipa há mli. Anɪ Wíe Yesu Kristo íbá, pú alíá abɔbwe kule yéfiá mu asún ání mlílanú umákɔsí kpunkí mli klun, ntée iha opúni itsii mli. Ní aku bæ, Ɖɛ Wankíhé lalé súná amó lóó, ntée íbu anɪ asun blíhé ntée anɪ ɔwulú kutɔ ání anɪ Wíe ɔbáke amu laba dodo kúráá á, mlumáhogyi. <sup>3</sup>Mlumáha ɔhaa ɔmle mli ɔkpagyíɔkpasu. Eke kpɔnkpɔntɪ ánfɪ uméeba, nkétɪ ahá bakúsú líí Bulusu, ɔhá ámúbú ɔtamagyí Bulu mblasu, ɔbéhi ámu lalin ɔwan asa. <sup>4</sup>Obótsu iwɪ fúá, kúsú líí Bulu, íkpi pú tógyítá anyánkpúsa butosúmsú, blí ání ɔdun amó féé. Obéyetsiá Bulu ɔtswékpa unu kúráá, blí ɔbée mvgýí Bulu.

<sup>5</sup>Mlumókúkáín ání ntebláa mli asún ánfɪ bréá mbu mli wá? <sup>6</sup>Mlyin tásá ide mu ɔkpa tíin dodo. Nkétɪ mu ɔwanlébí lafun. <sup>7</sup>Tsúfé Bulu mblasumágyi túmi ánfɪ ide agyómá ɔɔ ɔjáintɔ dodoodo, táme ɔku dé mú ɔkpa tíin. Mú su nkétɪ ɔhá ámu ladáli unu. <sup>8</sup>Ínó mblasu mágyípu amu ɔbélin ɔwan ní. Táme anɪ Wíe Yesu oyínkí ba a, mu ɔnótɔ afú keke íbómɔ mu, mu numnyam é íbɔwankí wólí musu yíntá mu. <sup>9</sup>Ní mblasu mágyípu anɪ ɔlun ɔwan á, ɔbɔpu \*Satan afunu túmi kpɔnkpɔntɪ bwé osúna pú ofúla. <sup>10</sup>Ɖbótsun owuntɔlun ɔkpa ɔtsan-ɔtsansu mlé ahá ámúbú Bulu ɔbéhi amó ámu. Bulu ɔbéhi amó, tsúfé bumekle ɔnɔkwali amu asún, ménɪ Bulu ɔbɔwɔ amó nkpa. <sup>11</sup>Ínɪ su Bulu ɔbɔpu afunu ɔɔhéá mú ɔnɔ bu ɔnlun wá amúť, ménɪ bɔwɔ afunu asúnsú gyi. <sup>12</sup>Ɖbéha ahá ánfɪ bumɔwɔ ɔnɔkwali amusu gyi, butekle lakpan bwe ánfɪ féé upón.

### Mli Nkpahɔ Su Bulu Léle Mli

<sup>13</sup>Apíóá aní Wíe tɔdwé, ilehián ání abéda Bulu ipán mli nwunsu brégyíbré. Tsúfé tsú bréá ɔyí lelun ɔpá Bulu léle mli ání ɔbɔtsun mu Ɖɣé ámu pú mu ɔɔkwali asún ámúbú mlahogyi amusu tun mli iwí, púhɔ mli nkpa. <sup>14</sup>Íni sù ɔɔtsun \*asun wankláán ámúbú anulébláa mli ámusu tí mli ɔbéé, mlibétsiá aní Wíe Yesu Kristo numnyam amuto ní. <sup>15</sup>Mú su apíó, mli lu kínkíínkín, amlíkita ɔɔkwali ámúbú anulásuná mli ámutɔ, múá anulébláa mli pú múá anuláswanlín sísí mli féeé.

<sup>16-17</sup>Aní Wíe Yesu Kristo onutó mba aní Sí Buluá ɔɔdwé aní, alawá awitɔle wá aní atetɔ-ɔnlun ání umɔɔɔɔ ɔɔ ékekekeke, anidé itɔ wankláán ɔkpa kú, ɔwáa mli ɔwunlín mli asun blíhé pú mli bwehé kugyíkuto.

### Mpáɔ

**3** <sup>1</sup>Utráhe-tráhe a, apíó, mli ɔ mpái ha aní. Aní Wíe asún ámu ikósi klei. Ahá abɔpu obú hɔ mú fé ali ámúbú mli é mlíshɔ mú ámu. <sup>2</sup>Mli ɔ mpái, Bulu ɔle aní tsu awuntɔlɔpu pú aha laláhe ibtɔ. Tsúfé megyí ahá féeé lóhɔ aní Wíe gyi.

<sup>3</sup>Táme aní Wíe bu ɔɔkwali. Ɖbɔwa mli ɔwunlín, hɔ mli lé lalahe Ɖwepú ámu ibtɔ. <sup>4</sup>Aní Wíe lahá anilahogyi ání mlidé ntobí ámúbú anulásuná mli ámu féeé bwe, mli méesi bwe é.

<sup>5</sup>Ɖkpáa mli, amlinu ɔdweá Bulu bu asi ɔɔ ɔtɔtɔtɔ, ɔha amlitomi fé Kristo.

### Tsiátó Wankláán

<sup>6</sup>Apíó, anidé mli ɔlá da aní Wíe Yesu Kristo idátɔ aníaa, mli mápɔ Akristofɔ ámúbú buna budetsún, butamakle agyómá, bumédé atosunáhé ámúbú anulásuná mli ámusu gyí wa mba. <sup>7</sup>Mli onutó mliyin ání ilehián ání mlétsiá aní atsiábi. Tsúfé anumówa ɔwuliyɔ, náti tsuntsun bréá aníbu mli wá. <sup>8</sup>Anumégyi atɔ ɔhaa wá, kíná mú ikɔ ka. Mboún anúlɔyɔ agyómá ɔpa mba onyé kínkíínkín, méni anuméesi

ipian tswɪ mlɪtɔ ɔkukubkusu. <sup>9</sup>Megyí bæ, anímá ɔkpa bláa mlɪ aníaa, mlíkú anɪsɔ, sù anɪlɔ́bwe mú alɪ. Mboún anɪlɔ́bwe mú súná mlɪ, ménɪ mlɪ é mlɔ́bwe mú odu. <sup>10</sup>Bréá anɪbu mlɪ wá kúráá á, anɪlɔ́wa mbla há mlɪ aníaa, “ɔhá ání ɔmɔyɔ agyómá mágyi ató.”

<sup>11</sup>Anɪlanú ání mlɪtɔ akɪ butsie kpaalɪ, bumédé agyómá kukubku yɔ. Okéngyé buna budewa tsun. <sup>12</sup>Anɪdé amó ɔlá da anɪ Wíe Yesu Kristo ɪdátɔ aníaa, busii natí tsun, abuyɔ agyómá nya amó atogyihe.

<sup>13</sup>Táme apió, mlɪ mú á, yilébwe umáta mlɪ ɔɲé. <sup>14</sup>Ní ɔku mégyi asún ánfɪ anɪlawánlín sísí mlɪ ánfɪsɔ á, mlíkɪ mu wankláán. Mlɪa munyɔ mlumágyi mba, ménɪ péli békítá mu. <sup>15</sup>Táme mlumálu mu, mboún mlɪtɔɪ kpla mu fé mlɪ píó.

### lklá

<sup>16</sup>Iwilwii Owíe amɔ onutó ɔhá mlɪ iwilwii bré féétɔ ɔkpagyɔkpasu. Anɪ Wíe otsía mlɪ féé wá.

<sup>17</sup>Mí Paulo onutó lapú mí ɪbɪ wanlín ínɪ. Mí dá ánfɪ ntɔwánlín wá mí nwuló féé asɪ, púsúná ání itsú mí onutó wá ní.

<sup>18</sup>Anɪ Wíe Yesu Kristo ogyii mlɪ féé buale.